



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXXI. Wenzlaw von Bieberstein errichtet das größere Burglehn zu Storkow, am 16. April 1450.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

vnd ledig sin. — Gegeben — viertzhundert Jar — in dem nuen vnd viertzigsten Jare, am Tage der hiligen drier koninghe.

Original-Urfunde Nr. 46. im Stadtarchive.

LXXXI. Wenzlaw von Bieberstein errichtet das größere Burglehn zu Storkow,
am 16. April 1450.

Wir Wentczlaw von Biberstein, Here zcu Sarow, Belskow vnde Storgkow, mit vnde by vns dy wolweisin Burgermeister vnde Ratmann vnnsrer Stad Storgkow, dy lezund sein vnde bernoch in komenden czeiten mogin werdin, Bekennen in dissim vnnsern offin briffe vor allin den, dy en sehin, horin adder lestin, das wir eyne wurden sein vnde mit fuller macht vnnsrer Hantwegkmeister vnd der gantzin gemeyne vnnsrer Stad Storgkow, also das wir dem Irbarn vnde gestrengin Alexiefen Lewinwaldin, vff dy czeyt gebunge dissis briffis Houptman vff vnnsin vnde vnnsin Hern Slofse vnde lannde Storgkow, den negsten Hoff bey dem Kirchhoffe in vnnsrer altenn Stad Storgkow gelegin vmme allir vnnsir vnde der Stad gerechtikeit frey gebin habin zcu ewigin czeiten nummer mehri von vnns, allir vnnsir nachkommendin Herchaft, auch vnnsir noch vnde in komen Burgermeister vnde gantze gemeyne zcu Storgkow, dy lezund sein vnde her noch vmmer komen mogin vnde werdin, frey an allirleye Stad gerechtikeit mit dinsten, tohrfitzin, wachin, schofün, wy vnnsrer Stadt gerechtikeit dor uff gehabt hadt vnde haben magk, sagin wir en den Hoff vnde alle dy dor Inne wonen werdin, ewelichin frey vnde egin vnns do von nichtis zcu thune, Sunder von der Hirschafft fürbafs zcu lehene ruren sal, dor vmme vnde zcu guter gnüge wir Burgermeister, ratmann vnde gantze gemeyne der Stad Storkow von dem gnannten Lewinwaldin vier schog groschin an phennyng czal entphangin habin vnde noch vnnsrem besten in der Stad Beste gewand habin, doch mit sulchim bescheyt, das der gnannte Alexius Lewinwalde vnde alle des Hoffis Inwoner ewelichin zcu dem Hoffe habin fullin Holczunge, Grafsunge vnde alle gerechtikeit, dy die vnnsern vnde wir ander Burger zcu Storgkow zcu vnnsern Hoffin vnde erbin habin, wy man dy benennihn magk vnde kann. Doch was dyfelbigin Inwoner des Hoffis vor den Hirten treybin werden, fullin sy also vil do von thun, als ander seyne vmme sitzende nabur vnde der Stad Inwoner anne alle widdirrede. Zcu orkund vnde mehirm Bekenthenis habin wir gnannter von Biberstein vnnsir Ingefegil vndene an dissin briff loslin hengin vnd wir Burgermeister, ratmann vnde gemeyne vnnsrer Stad Secret dor bey, der geben ist zcu Storgkow, noch Cristli vnnsers Hern Geborth vierzehnhundert Jar, dor noch in dem funfzigsten Jare, am Dunirstage noch dem Sontage, do man singet in der Kirchen Quasimodogeniti.

Nach einer fideimixten Copie des im Geheimen Staats-Archive zu Berlin befindlichen Originales.